

Avalakkallarneq - efterskolimut

Hjemmefra - på efterskole

Kalaallit inuusuttuaqqat Danmarkimut
efterskoleriartarnerat pillugu filmiliaq





Alloriarnerujussuaq pissanganartorpassualik

Ukiut kingulliit kalaallit inuussuttuaqqat Danmarkimut efterskolierartartut amerlatsikkiartuinnarput. Tassa ullumikkut inuussuttuaqqat amerlassusaasa 1/3-iisa missaat avalakkallartarput.

Angerlarsimaffik qimallugu taama ukiuneq oqaatsit allat atorlugit aammattaarli kulturi alla avatangüisigalugu inummut oqaatsinut aammalumi ilinniakkanut ineriartornerujussuaq aqquataasarpog. Kisiannili aamma ukioq taana oqaatsitigut ajornartorsiornerup ilaqquttanut nalunngisanullu maqaasinermik kinguneqartittarpaa.

Inuussuttuaqqanut Danmarkimi pissutsit allanartarput arlalippassuillu siullermeerlutik Danmarkimut tikittarlutik. Pinngortitaq kulturi imminnut oqaluutaaseq ingerlariaatsillu allaalluinnarput. Aammalumi efterskoleriaaseq pissanganartuuvoq nutaaq.

Naak efterskolit amerlanersaat nalunngilluakkanik atuartsiteriaaseqartut atuartut naapitassaraat atuarfik sungiussaminniik allarluinnaq atuariaaserlu alla. Atuartsitsineq nalunginnaasumik ullu naallugu ingerlanneqartarpoq ullaakkut erinarsornermiit oqaluttuarnermiillu unnukkut pisussat ilanngullugit. Efterskolillu aamma neqeroorutigisarpaat assassornermut ilinniariaatsit assigiinngitsut; asulumi atuarfiit ilaat imaannaanngitsumik avammut nittarsaasarput atuartsitsissutitik neqeroorutigalugit.

Efterskolit ilisarnaataasa pingaarnersaasa ilagaat tassa najugaqarfíullutillu atuarfíummata imaalluni najugaqatigiílluni nereqatigiíllunilu atuaqatigiíinneq – ullut tamaasa akunnerit 24-t. Nalunginnaasuvoq inuit marluk- pingasut ilaatigullu sisamat najugaqatigiíttartut ineeqqami ataatsimi, ataatsimoorutillu ilagaat pisassat assigiinngitsut soorlu eqqiaaneq aamma iggavimmi ikiuuneq. Ilinniartitsisut atuaqatigiíllu imminnut ilisarimalernerusarput ataatsimoornerit atuartsinerinnarnut killeqanngikkaanngata.



Oqaatsit arlallit – pisinnaatitaaneq pisariaqartooq

Kalaallit inuusuttuaqqat ukioq ilivitsoq qallunaajaqqanik atuaqateqartarput taamaattumik atuartup oqaatsitigut piginnaasutsini qanoq ikkaluarpata naatsorsuutigisariaqarpaa piunassutsini atorlugit qallunaat oqaasii atorniarlugillu ilinniarniartariaqarlugit. Namminersornerullutik Oqartussat ilaatigut oqaatsitigut pisinnaatitaaneq tunngavigalugu kajumissaarutigalugulu tapersersugaraa Danmarkimi efterskolersinnaaneq. Inuiaqatigiit kalaallit atorfissaqartilluinnarpaat inuusuttuaqqat oqaatsinik (minnerpaamik) marlunnik oqalussinnaanissaat qallunaatullu ilinniarniartariaqarlugit taamaalillutik ilinniakkaminnik naammassisaqarsinnaanerit anguniarlugu.

Namminersornerulerneq 1979-imi eqqunneqqarmat kalaallit oqaasii kulturiallu erseqqissumik salliutinneqalersimapput "qallunaajunnaarsarnerlu" ilinniagaqarniarnermut ajornartorsiutinut piarinaatsumik ilaalersimalluni. Kalaallillu Nunaata inuttussusaa naapertorlugu ilinniagaqarniaraani pingaaruteqarlunnaarpoq qallunaatut tuluttulluuniit oqalussinnaaneq.





Filmi najoqqutassiaq

Efterskolerneq inuunermi misilittakkanut puigunaatsuutinniaaraani siunissamilu ilinniagaqarnissamut nakuussutitut atorluarniaaraani inuusuttuaqqat ilaqutaasullu piareersimalluinnarnissaat pingaaruteqarlunnarpoq suullu ukiup ingerlanerani aqqusaagassat pissarsiaqarnartuusut ajornartorsiutaasinnaasullu nammineq piviusorpalaartumik takorloorsinnaanissaat.

Kissaatigisimavarpur filmimi takutikkusullugu efterskolertarneq "ajunngitsumik ajortumillu" – *kalaallisut isigalugu*.

Filmimi sammineqarpur atuartut arlallit – illoqarfimminni, atuariarlutik tikinneri, atuarfimminni aallartinneri ukiullu ingerlanerani atuarneri.

Anguniarsimavarpur takutinniarlugu efterskolemi ukiup ingerlanerani atuartsiteriaaseq, atuartut ajunngitsumik ajortumillu aqqusaagai, aallartinnerminnik ajornartorsiutai, oqaatsinik ilikkarneri, ilinniartsitineq, atuarfimmi inuuneq, kammalaatigiinneq – ukiullu naanerani qimagunneq misigisimasanillu amerlasoorpassuarnik aqqusaagaqarsimaneq.

Atuartut ilinniartsitisut ilaquttallu attaveqaatit namminneq oqaluttuartissimavarpur taamaalillutik isummat assigiinngitsut saqqummiunneqarpur.

Neriutigaarpur filmi efterskoleriartussanit imaluunniit efterskoleriarnissamut eqqarsaatilinnit aammalumi efterskoleriarnissamut aalajangiusussanit isiginnaarneqarumaartoq: inuusuttuaqqat, angajoqqaat, ilinniartsitisut siunnersortillu.

Filmi assigiinngitsunit atorneqarsinnaavoq; klassimi, siunnersuinerni, angajoqqaanik ataatsimiititsinerni, angerlarsimaffimmi, illoqarfeeqqani/illoqarfinni aaqqissuusinerne kiisalu TV-kkut. Naak filmi Kalaallit Nunaanut suliaagaluartoq Danmarkimi efterskolinut, Kalaallit Illuinut ilaqtutanullu attaveqaatinut ukiut tamaasa avalakkallartunut tunuliaqutsiisartunut pingaarutilinnik oqariartuuteqarpoq. Neriutigaarput filmi paasissutissiiumaartoq inuusuttuaqqat Danmarkimut atuariaangamik qanoq annertutigisumik nikeriarnermik aqqusaagaqartarnerannik.



Efterskolernissamut aalajangerneq kisiat pinnagu – kisianni aamma apeqqutaalluni efterskole sorleq



Eqqaamasariaqarpoq efterskolerniarluni aalajangersimagaanni pingaaruteqarmat atuarfik sorleq qinissallugu. Naatsorsuutigineqarpoq atuarfiit assigiinngitsut 235-it missaaniittut. Taamaammat Kalaallit Nunaanniit qinerlernissaq Danmarkimiinnermiit ajornakusoorneruvoq tassa atuarfik atuartussamut angajoqqaasunullu pulaarneqarsinnaangimmat / orninneqarsinnaangimmat aatsaallu atuarneq aallartippat siullermeersumik orninneqarsinnaalluni. Atuarfiit pingaarutigalugit tunngavii assigiinngitsorpasuuusut atuartitseriaatsit pissutsillu tunngavigineqartut filmimi oqaatsineqatsiarput. Sukumiissumik paasissutissat erseqqinnerusumillu najoqqutassiat Efterskolernes Sekretariat-imi piniarneqarsinnaapput soorlu ukunani: www.efterskole.dk atuarfinni quppersakkani, atuarfiit siunnersuisarfiinni kiisalu Kalaallit Nunaanni ilinniartsitisuni. Oqaatsinik Pikkorissarfik, Sisimiut, Namminersornerullutik Oqartussat tapiissutaanik qitiusumik aqutsisuvuq qinnuteqarsimagaannilu siunnersortaalluni. Ilisimaneqartariaqarpoq Danmarkimi efterskolertarneq ornigineqarluartuummat atuarfiit arlallit ulikkaareersimasarmata. Piffissaq sioqqullugu qinnuteqarneq isumaq iluartuvuq – ukiut ataaseq – marluk sioqqullugit pitsaanerpaamik qinigassaqarumaguit. Aammattaaq pingaaruteqarpoq isigissallugu qanoq ilaqquttat attaveqaatit / pulaartakkat atuarfiullu imminnut ungasitsiginerat. Naak Danmark nuna annikikkaluaqisoq angalaniarneq akisuujullunilu piffissaajaasuvuq sapaatip akunnerata naanerani imaluunniit atuanngiffeqarnermi ilaqquttat tikeraarniaraannik.

Attaviit pingaarutillit

Oqaatsinik Pikkorissarfik

Sprogcentret

P.O. Box 3019

Siiuuup Aqquserna 32

DK-3911 Sisimiut

Tlf.: (00299) 86 67 00

Fax: (00299) 86 68 00

www.oqaatsit.gl

E-mail: sprogcenter@oqaatsit.gl

Efterskolernes Sekretariat

Vartov

Farvergade 27, opg. H., 2.sal

DK-1463 København K

Tlf.: (+45) 33 12 86 80

Fax: (+45) 33 93 80 94

www.efterskole.dk

E-mail: sekretariat@efterskole.dk

Avalakkallarneq – efterskolimut

- kalaallit inuusuttuaqqat Danmarkimut efterskoleriartarnerat.

Hans Wessing-imit filmilialq. 48 min.

Qutsavigingaassavagut peqataasut tamaasa, filmiliortut, tunuliaqutsiisut pingaartumillu tapiisimasut ukuusut:

- Oqaatsinik Pikkorisarfik
- Dansk Folkeoplysnings Samråd
- Undervisningsministeriets tips- og lottomidler
- Foreningen af Frie Ungdoms- og Efterskoler

Suleqatigiillutik aaqqissuisut:

Foreningen af Frie Ungdoms- og Efterskoler

Hans Wessing Film & TV.

Isumassarsialq tunuliaqutaasumullu suleqatigiit: Karl Aage Larsen, Rimdal Høegh, Sven Rehn, Amalie Lyberth, Sophus Bang Nielsen aamma Else Højlund.

Ilitsersuisoq, assiliisoq kiisalu aaqqissuisoq: Hans Wessing.

Qiortaaasoq: Peter Jensen / Inuk Media aamma Hans Wessing.

Apersuisoq, nutserisoq oqaluttorlu: Rimdal Høegh.

Siunnersorti: Else Højlund.

Filmi (ISBN nr.: 87-88152-626) Efterskolernes Sekretariat-imi piniarneqarsinnaavoq.

Filmimut quppersagaq ataaseq ilaavoq. Quppersakkat arlerniaraanni Oqaatsinik Pikkorisarfik, Sisimiuni imaluunniit Efterskolernes Sekretariat-imi piniarneqarsinnaapput.

November 2000

Wessing Film & TV, Absalonsgade 13, 5000 Odense C.

TLF.: (+45) 66 17 77 17, www.wessingfilm.dk

